

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XLI No. 18
Septiyembre 21, 2010
www.philippinerevolution.net

Editorial

Pahulagon ang minilyon nga pumuluyo para isulong ang rebolusyon nga Pilipino!

Tuman ka paborable ang mga nagaluntad nga kundisyon para pukawon, organisahon kag pahulagon ang minilyon nga pumuluyong Pilipino sa dalan sang militanteng paghimakas kag rebolusyonaryong gera. Ang pagbun-ag sang lapnagon nga kahublagang masa sa bug-os nga pungsod ang yabing rekisito para sa labing pagsulong sang inaway banwa pakadto sa halintang sang estratehikong pagkapatas sa masunod nga lima ka tuig.

Padayon nga nagalala ang mga kundisyon pangkatingan sa idalom sang papet nga rehimeng Aquino. Tuman ang pag-antus kag pagkalisod sang pumuluyo sa atubang sang lapnagon nga disempleyo, tuman kanubo sang sweldo, grabe nga pagpamigos pyudal kag malapyudal, pagtaas sang mga presyo kag pamasaha, pabug-at nga mga buhis, lapnagon nga korapsyon, kakulangan sang mga serbisyo sosyal kag iban pa.

Sa kalala sang krisis, madasig nga nahublasan ang wala unod nga mga buladas sang rehimeng US-Aquino. Madali nga nadula ang pakuno-kuno nga magadala ini sang pagbag-o. Wala pa sang 100 adlaw sa pwesto si Aquino, lapnagon na ang pagkadiskuntento, upod ang bahin sang madamo nga sadto nagasuporta o nagalaum sa iya.

Ginapadayon lang sang rehimeng US-Aquino ang mga imperyalistang polisiya sa ekonomya (labi na ang dugang kag mas malaparan nga denasyunalisasyon kag pribatisasyon). Tampok ang kaso

sang Hacienda Luisita kag ang dalayon nga pagpahigad sang reporma sa duta. Nagtuhaw gilayon ang away sang mga paksyon, pagkainutil, korapsyon, kag sining ulihi, ang pagkaumid sang pila ka yabing upisyal sa *jueteng*. Padayon sini nga ginatugutan ang pagpasilabot sang mga dumuluong nga tropa sa pungsod. Padayon ang mga paglapas sa tawhanong kinamatarung, terorismo kag mabaskog nga saywar sa pagpalawig sang Oplan Bantay Laya kag paghimo sang bagong plano para tapnaon ang mga pagbato sang pumuluyo.

Dapat malaparan nga pukawon, organisahon kag pahulagon ang pumuluyo para mapangapinan kag maisulong ang ila interes sa atubang sang nagagrabeng krisis sa idalom sang subong nga

garuk nga



***Mga tampok
sa isyu nga ini...***

**Hagna nga badyet:
Tum-ok sa limos**

PAHINA 3

**Tatlo ka mangunguma,
ginpatay**

PAHINA 5

**Paltik nga pangayaw sa
Paquibato**

PAHINA 7

gubyerno kag sistema. Ang pagpahulag sang Partido sa minilyon nga pumuluyo sa malapad nga kahublagang masa ang pinakaimportante nga pangpulitika nga rekisito para mag-abante ang inaway banwa.

Makasahing linya kag linyang pangmasa ang prinsipyo nga ubay sang mga rebolusyonaryo kag progresibong pwersa sa ila pagpahulag sa pumuluyo; nagaupod sila sa masa, ginahibalo kag ginatun-an ang ila kongkreto nga kahimtangan kag mga problema, ginapukaw sa mga isyu nga pinakamalapit sa ila kag kaangut nga mga tampok kag madugay nga problema sang banwa, ginaorganisa sa lainlain nga nagsanto nga porma sang mga organisasyon kag ginamobilisa sa lainlain nga nagsanto nga porma sang kolektibong paghulag.

Dapat abuton ang minilyon nga pumuluyo sa kaumhan kag kasyudaran, sa mga komunidad, pabrika, eskwelahan, upisina, kalye, kag iban pa. Tumuron ang mga problema nga ginaatubang nila kag hugpungon ang ila paghiliusa lunsay sa maikit kag malapad nga sakop. Pangunahon nga mga halambalanon sa kaumhan ang duta, pagpanghimulos sang mga agalon nga

mayduta kag komersyante-usure-ro, kakulangan sang produksyon, mga kalamidad, militarisasyon, kawad-on sang suporta sang gubyerno kag mga serbisyo sosyal. Sa kasyudaran, pangunahon nga ginaatubang sang pumuluyo ang kakulangan sang sweldo, kawad-on sang empleyo, kundisyon sa pabrika, kontrata sa trabaho, pagtaas sang presyo sang mga basehang kinahanglanon, kakulangan kag tuman ka mahal sang mga pangpubliko nga serbisyo.

Pukawon, organisahon kag pahulagon ang pumuluyo agud ipakigbato ang ila mga gilayon kag malawigan nga kinahanglanon kag isulong ang mga estratehikong interes sang banwa para sa rebolusyonaryong pagbag-o.

Papagsikon ang hilikuton propaganda, edukasyon kag pangkultura. Matalom naton nga tun-an ang ginaatubang nga mga halambalanon sang pumuluyo paagi sa pag-aplikar diri sang makasahing linya kag makipumuluyo kag linya pangpulitika sang pungsodnon-demokratikong rebolusyon. Matalom nga ibuyagyag ang wala unod sang kuno mga reporma nga ginapabugal sang rehimen.



Gilayon

nga sabton ang mga opensibang saywar sang rehimen. Ibuyagyag ang tanan nga sari sang pagpaniplang. Lubos nga ibuyagyag kag pakamalauton ang mga pasistang krimen sang militar. Ibuyagyag ang kontra-rebolusyonaryong pagpasilabot sang US. Iangut ang mga ini sa pangkabilugan nga panawagan batuk sa imperyalismo, pyudalismo kag burukrata kapitalismo kag para sa rebolusyonaryong pagbag-o.

Pat-uron nga nagamit ang lainlain nga nagakasanto nga porma sang pagpropaganda kag edukasyon indi lang para maabot ang pinakamalapad nga numero sang pumuluyo kundi para man epektibo sila nga mapukaw kag mapamuklat.

Malaparan nga tukuron kag pahulagon ang lainlain nga tipo sang mga organisasyong masa agud sabton ang ila mga problema. Tukuron ang malapad nga hayag kag solido nga tago nga organisasyong masa sa basehang lebel samtang ginapataas ang lebel sang sakop sang mga ini.

Pat-uron ang pagtukod kag konsolidasyon sang mga rebolusyonaryong organisasyong masa kag mga rebolusyonaryong tugas sa lainlain nga sektor kag lokalidad, tubtub sa pagtukod sang mga lubos nga organisasyong masa kag mga organo sang demokratikong gahum pangpulitika indi lang sa baryo nga lebel o punsok sang mga baryo, kundi tubtub munisipyo, distrito kag prubinsya pataas. Anguton ang mga organisasyon kag



Tuig XLI No. 18 Septyembre 21, 2010

Ang *Ang Bayan* ginabantala sa lenggwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.net

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan. Malab-ot kami paagi sa e-mail sa: angbayan@yahoo.com

Kaundan

Editorial

- Pahulagon ang minilyon nga pumuluyo 1
- Hagna nga badyet, tum-ok sa paglimos 3

Pagpanghalit sg pasistang estado

- 3 mangunguma, ginpatay sg militar 4
- Mga suldado, ginpalayas sa Surigao 6
- Paglapas sa kinamatarung sg bata 7
- Paglapas sa kinamatarung-mamumugon 7
- Abadilla 5 7
- Paltik nga pangayaw sa Paquibato 8

- Balita 9

Ang *Ang Bayan* ginabantala duha ka beses kada bulan sg Komite Sentral sg Partido Komunista sg Pilipinas

kahublagang masa nga ini paagi sa malaparan nga organisasyon kag alyansa.

Pat-uron kag hatagan sang tum-ok ang pagpatuhaw kag pagpauswag sang pila ka pulo ka libo nga aktibistang masa. Sila ang magapamuno sa mga sakop nila nga organisasyon kag kahublagang masa kag magapalapad sang mga ini. Sa kaumhan, sila ang mayor nga masaligan sa pagpalapad sang mga rebolusyonaryong organisasyong masa sa mga kaiping nga baryo kag banwa. Sila ang madalom nga bubon para labi nga palaparon kag pabaskugon ang Partido kag BHB.

Pabaskugon kag palaparon ang hilikuton alyansa sa lainlain nga lebel kag sakop. Palapnagon ang National Democratic Front kag mga alyansang organisasyon sini sa tanan nga sektor kag lugar. Tukuron ang malapad nga nagahiliugyon nga prente sang pumuluyo nga ginapigos kag ginahimuslan, tungaon ang kubay sang kaaway, ihamulag kag konsentrahan ang pagbato sa subong nga pinakamaut nga reaksyunaryo sa porma sang nagahari nga punong papet sang reaksyunaryong estado.

Palaparon kag padayon nga palig-unon ang Partido. Mapag-sik nga tukuron ini sa hangaway sang banwa kag mga organisasyong masa, mga alyansa, mga baryo kag komunidad, iskwelahan, pabrika kag mga upisina. Pat-uron ang pagpalapnag sang Marxista-Leninista nga edukasyon kag paghanas sa mga kadre sini sa lain-lain nga hilikuton kag sakop, kag sa tanan nga lebel.

Pursigido nga isulong ang inaway banwa sa mas mataas nga lebel. Todo-larga nga isulong naton ang inaway gerilya padulong sa halintang sang estratehikong pagkapatas sang inaway banwa sa maabot nga tinuig. **AB**

Bag-o nga hagna sa badyet: tum-ok sa paglimos

Gintawag sang rehimeng US-Aquino nga “badyet para sa reporma nga pangkatilingban” ang ginbalay sini nga proposal nga badyet sang gubyerno para sa 2011. Apang liw-as diri, makita nga wala sang seryoso kag maayo nga programa batuk sa kaimulon kag para sa pagpauswag sang pangabuhian kag mga benepisyo sosyal ang rehimeng US-Aquino. Ginapadayon lang ang paghatag-prayoridad sa pagbayad-utang kag pagpabaskog sang militar. Sa pihak sang sobra nga kinahanglanon, signipikante ang mga ginbuhin sa badyet para sa agrikultura, reporma sa lupa, edukasyon, ikaayong lawas kag lainlain nga mga serbisyo sosyal. (*Tan-awon ang kaangut nga artikulo sa nagligad nga isyu.*)

Ang pangunahon nga ginapabugal ni Aquino amo ang 123% dugang sa badyet sang Department of Social Welfare and Development (DSWD) nga naglab-ot P34.4 bilyon. Ang P29.2 bilyon o halos 85% sini gintigana sa Programang Pantawid Pamilyang Pilipino (4Ps), isa ka programa nga panglimos nga ginaduso sang gubyernong US kag mga imperyalista nga ahensya. Pagasuportahan man ang programa nga ini sang pondo nga gin-utang sa Asian Development Bank (\$400 milyon) kag pondo nga natalana sang Millenium Development Corporation sang US (\$434 milyon).

Ang 4Ps ang ginapagwa nga pamatuod nga “para sa reporma pangkatilingban” sang proposal nga badyet sang rehimeng US-Aquino. Kadam-an sini nakatuon sa pagtatap sa ikaayong lawas sang mga nagabusong kag mga lapsag nila kag sa pagsiguro nga nagasulod sa eskwelahan ang mga anak nila. Magatalana kuno ini kada bulan sang tubtob P1,400 kada pamilya (tig-P500 para sa medikasyon sang kada nagabusong nga iloy kag mga lapsag kag tig-P300 kada bata nga estudyante tubtob maksimum

nga tatlo) para sa tumuron sang DSWD nga pinakaimol nga pamilya (halin isa ka milyon ginatantya nga magalab-ot sa 2.3 milyon sa katapusan sang 2011).

Kung usisaon, daku nga insulto sa mga tuman ka imol nga pumuluyo ang limos nga ginatanyag sang gubyernong Aquino. Una sa tanan, tuman ka kulang ang ginasingling nga italana sa kada pamilya. Ikaduha, ang pagtalana sang pondo nga ini sa 4Ps pagahimuon kadungan sang pagbuhin sa badyet para sa mga serbisyo pang-ikaayong lawas at edukasyon nga magaresulta sa labi pa nga pagbagsak sang kapasidad sang mga lokal nga ospital kag *health center* kag sang mga pangpublikong eskwelahan. Ginkuha man ang badyet sang National Food Authority nga gina-

gamit para subsidyuhan ang produksyon sang mga mangunguma kag pangkontrol sa presyo sang bugas sa tindahan.

Ang 4Ps isa ka lokal nga bersyon sang Conditional Cash Transfer, isa ka padihot sang imperyalismong US kag sang mga pangkalibutanon nga ahensya nga pangpinansya sini, pareho sang World Bank, nga gin-



suguran sa pila ka imol nga pungsod sadtong ulihi nga bahin sang dekada 1990. Ginaenganyo ini subong sang Millenium Development Corporation bilang kundisyon sa dugang nga pagpautang sini sang bulig pangpinansya sa mga papet nga estado. Ginasiling nga ang pagpanghatag sang kwarta sa mga wala o wala sang nagakaigo nga pangabuhian kag tuman nga nagaantus makabulig sa pagpauswag sang lokal nga tindahan.

Apang sa likod sang pagpanghatag sang mga panglimos nga ini sa imol nga pungsod para kuno sa pinakaimol nga pumuluyo ang ipabilin sila nga manugpakalimos kag nagsalig pirme sa pangwa nga ayuda sang amo nga mga pungsod, para indi na sila makalibre sa gapos sang imperyalismo kag magpauswag pa sang kaugalingon nga industriya kag agrikultura. Ginahigot man ini sang gubyernong US sa mga kundisyon para sa labing pagpasilabot nila sa ekonomya, pulitika kag militar.

Sa duso sang US, gin-umpisahan ang 4Ps sa idalom sang rehimeng Arroyo sa balor nga P10 bilyon sang

2008. Wala man sang kamatuoran, ginpabugal sang rehimeng Arroyo nga nakabulig kuno ini sa paghawas sa kaimulon sang isa ka milyon nga Pilipino antes matapos ang termino sini. Ginapabugal man ni DSWD Sec. Corazon "Dinky" Soliman nga paagi sa 4Ps, sa sulod sang masunod nga lima ka tuig malauman nga mabuhinan sang tubtob katunga ang kaimulon, mapauswag ang ikaayong lawas sang mga iloy kag anak nila kag masiguro nga tanan nga mga pama-tan-on makaeskwela.

Apang ang matuod padayon nga nagalala ang kaimulon kag nagadamo ang imol kag ginagutom nga pumuluyo. Wala sang tunay kag pangmalawigan nga naibulig ang ini nga mga ayuda sa pumuluyo nga nagaantus. Sa kamatuoran, daku nga bahin sang pondo nga natalana sa 4Ps ginlamon lang sang korapsyon. Labaw sa tanan, ang singgit sang masa nga anakbalhas amo ang lupa, trabaho kag nagakaigo nga sweldo, indi ang pang-insulto nga limos.

Ginatabunan lang sang 4Ps ang pagbalibad sang reaksyunaryong

estado nga himuon ang mga kinahanglanon nga tikang para isulong ang pagpauswag sang nasyunal nga industriya kag makatindog-sa-kaugalingon nga ekonomya. Wala ini sang plano nga pataason ang tuman ka kulang nga minimum nga sweldo sang mga mamumugon nga wala pa sangkap-at nga kinahanglanon nga minimum para mabuhin nga disente ang ila nga mga pamilya. Wala man ini sang plano nga lubaron ang malawig na nga problema sa duta nga amo ang pangu-nahon nga ugat sang kaimulon sang mga mangunguma. Lauman nga labi pa nga magalala ang kaimulon sa idalom sang rehimeng US-Aquino.

Wala ini sang ginapresentar nga tunay nga kalubaran sa mga problema sang kaimulon bunga sang atrasado nga ekonomya, kawad-on sang nasyunal nga industriya, kawad-on sang tunay nga reporma sa duta, lapnagon nga disempleyo, manubo nga sweldo kag wala untat nga pagtimbuok sa presyo sang balaklunon kag sukot sa mga serbisyo. AB

Tatlo ka mangunguma, ginpatay sang militar

Wala sang untat ang pagpang-atake sang militar sa kaumhan. Tatlo ka mangunguma ang ginpatay sang mga suldado sa separado nga hitabo sa Camarines Sur, Davao City kag Compostela Valley sining una nga bahin sang Septyembre. Sa Albay, isa ka konsehal sang barangay ang gintortur sang mga berdugong militar. Samtang, isa ka anay BHB ang gin-aresto sang AFP sa Compostela Valley kag ginpagwa nga lider sang Bag-ong Hangaway sang Banwa (BHB).

Septyembre 12. Isa ka sibilyan ang napatay kag apat ka iban pa ang napilasan sang paulanan sang bala sang mga elemento sang 9th ID ang balay sang isa ka pamilya sa Camarines Sur. Suno kay Ka Greg Bañares, tagapamaba sang National Democratic Front-Bicol, napatay sa pagpaniro ang mangunguma

nga si Roderick Ballebar, soltero, samtang napilasan sanday Francisco Bergado (may igo sa braso), asawa niya nga si Amelita (may igo sa kamot kag tiil) kag mga anak nga dalaga nga sanday Rose (may igo sa siko) kag Margio (may igo sa likod). Ang maduguon nga insidente

natabo sa Sityo Culpa, Barangay Lubgan sa banwa sang Bula.

Septyembre 9. Ginpatay sang mga suldado ang sibilyan nga si Vicente Felisilda sa Barangay Malinawon, Mawab pagkatapos siya makabaton sang sunod-sunod nga pagpamahog halin sa militar bangud sa pagsuporta kuno niya sa BHB.



Septyembre 8. Gindukot kag ginkulong sang duha ka adlaw sang mga militar si Elke Bacalso, 20 tuig ang edad. Si Bacalso anak ni Julian Bacalso, anay detenido pulitikal kag *coordinator* sang Samahan ng mga Ex-Detainee Laban sa Detensyon at para sa Amnestiya (SELDA). Tumuluon siya



sang Cebu Institute of Technology sa Cebu City.

Gindukot siya samtang yara sa gwa sang ila eskwelahan mga alas-4 sang hapon. Gulpe nga gintabunan ang iya mga mata sang duha ka lalaki kag ginsakay sa isa ka *van*. Gindala siya sa lainlain nga *safehouse* kon sa diin pilit siya nga ginapaako sa hilikuton sang iya nga amay sa organisasyon. Ginbilin na lang siya sang mga nagdukot sa iya sang Septyembre 10 sa Santander. Antes ang pagdukot sa iya, nakita ni Bacalso sang Agosto 23 nga may nagasunod sa iya nga duha ka lalaki. Gintuyo siya nga dukuton sang Septyembre 3. Sang eleksyon sa pagkapangulo, si Bacalso nangin boluntir sang Kabataan Partylist sa Cebu City.

Septyembre 6. Gin-aresto sang mga tinawo sang 10th ID ang isa ka anay myembro sang BHB nga nagwa sa hublag sadto pang 2006 kag ginpresentar sa midya bilang lider sang BHB nga mataas ang katungdanan. Ginapagwa sang 10th ID nga si Percival Manimog gindakop sa isa ka operasyon militar sa Monkayo, Compostela Valley. Mabaskog nga ginkundenar sang Magtanggol Roque Command sang BHB ang nasambit nga pagdakop bilang desperadong tikang sang militar sa atubang sang padayon nga kalutusan sini sa mabaskog nga bunal halin sa BHB. Ginpanginwala sang BHB ang mga kabutigan sang tagapamaba sang 10th ID nga si Lt. Col. Medel Aguilar nga si Manimog isa ka lider sang BHB.

Septyembre 5. Gintortur sang 10 ka armado kag di unipormadong lalaki si Warren Morilla, isa ka konsehal sang barangay. Nagapahaway siya sa iya nga balay sa Baryo Florista, Libon, Albay sang gulpe lang nag-abot ang mga kriminal.

Ginapatudlo sa iya ang mga balay kuno sang mga rebelde sa lugar. Sang hambalon niya nga wala siya sang ihibalo sa mga ginapamangkot sa iya, gintayaan siya sang pusil kag ginguyod pagwa sa balay. Ginsukluban sang plastik ang iya nga ulo kag siya ginkulata. Antes naghalin ang mga kriminal, ginpapirma si Morilla sa isa ka papel nga nagapahayag nga wala siya ginsakit kag wala sila sang ginkuha sa iya puluy-an. Sa kamatuoran, ginkawat sang militar ang iya kahita nga may unod nga P360.00, duha ka binangon kag lakip ang iya nga tsinelas.

Septyembre 3. Ginpatay sang militar sa atubang sang iya pamilya ang mangunguma nga si Reynaldo Labrador. Si Labrador, residente sang Sityo Narra, Paquibato Proper sa Davao City myembro sang Paquibato District Farmers' Association kag Farmers Association in Davao City. Ang mga kriminal amo ang mga suldado sang 69th IB kag isa ka paramilitar nga nakilala nga si Roberto "Kulot" Repe.


Agosto-Septyembre. Ginsentensyahan sang korte sang Agosto 12 sang masobra duha ka tuig nga pagkabilanggo ang tatlo ka lider sang unyon sa Energy Development Corp. (EDC) o ang sadto Philippine National Oil Corporation (PNOC) sa himuhimo nga kaso sang ginpasaka sang kumpanya nga *grave coercion* kag *malicious mischief*. Ini bangud kuno sa pagkabuka sang *signal light* sang salakyan sang kumpanya nga naga-

balor sang P1,400.00 sang salakyan ang ila piketlayn sang Oktubre 2000. Isa sa tatlo nga ginpamatbatan amo si Dante Senillo, bise presidente sang Leyte-A Geothermal Project Employees Union nga nagapamamtuk sa lainlain nga *unfair labor practices* sang PNOG.

Masobra 100 obreros sang EDC ang nagwelga kag nagtukod sang piketlayn. Isa ka adlaw lang naglawig ang ila nga piket bangud mapintas ini nga ginbungkag sang mga pulis kag militar. Ginpaulanan sang mga bala ang piketlayn gani nagdinalagan ang mga welgista nga ang iban naglukso sa pil-as para lang makalikaw sa kalakasan sang mga pulis kag militar. Ang mga naabutan ginpangbakol gani madamo ang napilasan. Isa sa mga biktima sini napatay sini lang bangud nagbalatian sa kanser sa hawak tuga sang mabaskog nga bakol sang pusil sadto sa piketlayn.

Nabakal na sang pamilya Lopez ang EDC kag sila subong ang nagaduso sang kaso batuk sa obreros bilang pangontra sa pagpasaka sang unyon sa korte Suprema sang petisyon para liwat tun-an ang ila kaso.

Samtang, masobra naman tatlo ka tuig nga nakulong sa Leyte Provincial Jail si Vincent "Bebot" Borja nga amo ang lider sang nasambit nga unyon kag katapo sang KMU National Council. Ginkulong siya tuga sang himu-himo nga kaso sang rebelyon kag pagpatay nga ginpasaka batuk sa iya. Wala man lang sang ginhimo nga pagbista sa iya kaso sa sulod sang una nga duha ka tuig. Sining ikatatlo ka tuig pirme man ginapaiway ang iskeddul sang pagbista. Suno sa KMU, hungod nga ginapalawig sang gubyerno ang pagbista para maglawig si Borja sa kulongan.



Mga suldado, ginpalayas sang mga Lumad sa Surigao del Sur

Madinalag-on nga napalayas sang mga nagprotesta nga Lumad ang mga suldado sang AFP nga nagaoperasyon sa ila mga komunidad sa Marihatag, Surigao del Sur. Nakabalik na sa ila baryo ang masobra 230 pamilyang Lumad o 1,125 indibidwal makaligad ang pila ka adlaw nga pagbakwit kag pagkampo sa Marihatag Municipal Gym.

Sa atubang sang mabaskog nga presyur, nagpirma ang mga upisyal sang 36th IB upod ang pamunuan sang baryo sa isa ka kasugtanan nga kuhaon na ang ila tropa. Saksi sa kasugtanan nga ini ang mga tawong simbahan, upisyal sang lokal nga gubyrno kag iban pang grupo.

Nagpahayag ang KARAPATAN nga padayon ini nga magahatag sang bulig sa mga residente kag magabantay kon magalapas liwat ang mga suldado sa kasugtanan. Nanawagan ini kay Benigno Aquino III nga untaton na ang mga operasyon militar sa lugar kag indi pagumiron ang mga sibilyan diri.

Sadtong Marso pa lang nagkam-po na sa palibot sang barangay ang mga suldado kag ginapahug na nila ang mga residente. Gina-sarbey nila ang mga tawo, nagapagwa sang mga pelikula nga nagapangsamad sa rebolusyonaryong kahub-lagan kag nagpatawag sang miting kon sa diin direkta nila nga ginaakusahan ang mga residente nga tagasuporta sang BHB. Ginhambal man nila nga magahatag sila sang premyo nga P500.00 sa sin-o man ang makatudlo sa kampo sang mga rebelde. Naghatag man sila sang kendi sa mga bata bilang suhol.

Wala kaluoy ang mga paglapas sa tawhanong kinamatarung, lakip

na ang pagpamahug sa isa ka babaye bangud sa akusasyon nga ang iya anak myembro kuno sang BHB. Ginbomba man ang komunidad bangud sa kapaslawan sang mga suldado nga makita ang BHB kag ginpaandaman ang bilog nga baryo nga igamasaker sila tanan kon indi nila itudlo ang ginahamtangan sang mga gerilya.

Nag-umpisa nga magbakwit sang Agosto 20 ang mga sibilyan pakadto sa munisipyo sang Marihatag. Nagbalik sila pagkatapos makipagdayalogo kag napasugot sang lokal nga gubyrno ang mga suldado nga mag-atras na sa nasambit n g a


baryo.

Pero isa na naman ka kaso sang paglapas sang tawhanon nga kinamatarung ang nagtuga sang bag-o nga ebakwesyon. Gingapos, ginguyod kag ginbakol sang mga suldado sang 36th IB ang pito ka residente lakip ang 14-anyos nga bata nga lalaki. Pilit sila nga ginapako nga tagasuporta sila sang BHB. Ginbulag ang bata kag gintanyagan sang P20,000.00 kon itudlo niya ang ginataguan sang armas sang BHB. Ginpahug man siya nga kon indi siya maghatag sang impormasyon igalubong siya sang buhi o ihulog halin sa nagalupad nga helikopter.

Nagtuyo ang mga residente nga magpangayo sang bulig sa gubyrno prubinsyal sang Surigao del Sur pero gin-abangan kag ginharas sang mga upisyal sang 36th IB kag pulisya ang komboy nila pakadto tani sa kapitolyo. Napilitan sila nga magbalik bangud sa mabaskog nga kahadlok. Sa *evacuation center* naman nagdamo ang nagbalatian nga mga bata. Nagkulang man sa suplay sang pagkaon, bulong kag gamit sa sanitasyon. Bangud diri, gindeklarar sang Municipal Disaster Coordinating Council sang Marihatag ang *state of calamity* sa nasambit nga lugar.

Madumduman nga sang 2009, nag-abot sa 3,000 pumuluyo ang pilit nga magbakwit sa kaiping nga banwa sang Lianga bangud sa sunud-sunod nga operasyon militar batuk sa BHB.

Halin nga mag-umpisa ang pagpanghalit sang militar sa pagpamuno nanday Lt. Col. Rene Cañete kag 1Lt. Serihim Temperante, duha ka suldado na ang napatay kag tatlo ang napilasan sa pagpakig-engkwentro sa BHB. AB





Paglapas sa tawhanong kinamatarung sang mga bata sa Ilocos-Cordillera

Ang mga bata nalakip sa mga pinakamakaluluoy nga biktima sang mga paglapas sa tawhanong kinamatarung sa Ilocos-Cordillera Region (ICR).

Suno sa Children's Rehabilitation Center sa ICR (CRC-ICR), pinakamatingkad nga paglapak sa kinamatarung sang mga bata sa rehiyon amo ang paggamit sang militar sa ila nga mga eskwelahan para himuon nga detatsment. May ara nga nalista nga 134 nga kaso sini halin 2005 tubtob 2010.

Halin 2007 tubtob 2009 masobra 15 eskwelahan man ang ginagamit sang militar sa paghiwat sang mga pulong-masa para pilit nga i-angut ang mga ligal nga demokratiko nga organisasyon pareho sang partidong Anakpawis sa armado nga rebolusyonaryong hublag. Sa amo man nga panahon nakalista

ang CRC-ICR sang isa ka bata nga biktima sang ekstrahudisyal nga pagpatay; 25 bata nga biktima sang pagpamomba sang mga eroplano kag helikopter; 17 bata ginpahug kag ginharas; 16 bata ang pilit nga ginrekrut sa CAFGU; 14 ang nailo bangud sa ekstrahudisyal nga pagpatay sa ila mga ginikanan; kag 9 ang nawad-an sang manugtatap bangud sa pag-aresto kag pagkulong sang ila mga ginikanan.

Duha ka bata man ang pilit nga ginpaguwa nga mga nagsurender nga gerilya sang Bag-ong Hanga-way sang Banwa. **AB**

Paglapak sa mga kinamatarung-mamumugon

Nagbiling sang mapait nga panublion sa sahing mamumugon ang rehimen ni Gloria Arroyo. Sa ulihi nga anom ka bulan nga pagdumalahan sini, talalupangdon ang mga nangin paglapas sa tawhanong kinamatarung sang mga mamumugon.

Suno sa Center for Trade Union and Human Rights (CTUHR), may 102 kaso sang paglapas sa tawhanong kinamatarung sa kubay sang mga mamumugon. Kwarenta'y says (46) diri paglapas sa ila nga kinamatarung pang-ekonomya, sosyal kag kultural. Lakip man diri ang 40 kaso sang paglapas sa kinamatarung nga mag-union kag *collective bargaining agreement*.

Ang mga kaso nga ini nagbiktima sang 19,696 indibidwal--19,595 sa sulod sang mga pabrika kag 239 ang nabiktima sa tunga sang ila nga pagtungod sang ila nga mga kinamatarung sa pag-union.

Nagtaas ang isip sang mga kaso sang kalakasan batuk sa mga mamumugon. Kon ikumparar sa 27 sang 2009, nagalab-ot ini sa 46 subong nga una nga tunga sang 2010 o katumbas sang 70.3% nga pagtaas.

Pinakatalalupangdon sa mga kaso sang kalakasan ang duha ka kaso sang pagpatay sa mga mamumugon nga nagbiktima kanday Edward Panganiban, sekretaryo sang unyon sa Taketa Philippines, Inc. nga ginluthang sadtong Hunyo 2 sa Sta. Rosa, Laguna; kag Benjamin Bayles, oganisador sang National Federation of Sugar Workers nga ginpatay sa Himamaylan, Negros Occidental sadtong Hunyo 14. **AB**

Husga sa Abadilla 5, ginpakamalaut

Gin-ugyunan sang Korte Suprema sining Setyembre 7 ang desisyon sang Court of Appeals sang 2008 nga naghusga sang tubtub buhi nga pagpreso sa ginatawag nga "Abadilla 5"--ang lima nga ginkuha nga nagpatay sa pasistang si Col. Rolando Abadilla sang 1996. Ang gindesisyunan amo sanday Joel de Jesus, Lenido Lumanog, Rameses de Jesus, Cesar Fortuna kag Augusto Santos.

Ang desisyon ginaulan subong sang pagkunderan halin sa mga nagasakdag sang tawhanong kinamatarung. Lakip sa mga ginatumod nga depekto sang desisyon:

> Ginbalewala sang Korte Suprema ang kama-tuoran nga gin-aresto ang mga akusado nga wala sang nagakaigo nga mandamyento. Wala man sila sang abogado.

> Wala ginsapak sang korte nga ang pag-ako kuno sang mga akusado nakuha pagkatapos sila tortyuron sang mga pulis nga nagdakop sa ila.

> Ang solo nga basehan sang husga amo ang kwestyunable nga testimonya sang isa ka saksi. Una nga ginkilala sang saksi si De Jesus pagkatapos siya nga pakitaan sang litrato sini 6 adlaw makaligad ang pagpatay kay Abadilla. Ang iban nga akusado ginkilala lang sang testigo sang matubang na sila sa midya. Wala ginhatagan sang importansya sang korte ang pag-ako sang bandido nga Alex Boncayao Brigade kag ang wala angut sa ABB sang mga gindesisyunan. **AB**

Paltik nga pangayaw sa Paquibato, sulsol sang AFP

Isa ka paltik nga “pangayaw” o gera sang mga tribo ang ginsugyot kag ginagamit subong sang 1003rd Brigade sang AFP para magsulsol sang kinagamu kag kahadlok sa mga komunidad sang Ata-Manobo kag setler sa Paquibato District, Davao City para mapalayas sila sa ila duta.

Ang mga nagapamuno sang “pangayaw” nga ini amo sanday Ruben Labawan, isa ka peke nga lider-Lumad nga sa kamatuoran likom nga ahente sang militar. Si Labawan ang pangulo sang Supreme Tribal Council for Peace and Development, grupo nga gintukod sang AFP. Ginsulsulan siya ni Brig. Gen. Eduardo del Rosario, hepe sang 1003rd Bde, para ideklara ang “pangayaw”.

Ginarason subong ang “pangayaw” para patyon ang mga Ata-Manobo kag setler nga ginadudahan nga nagasuporta sa BHB.

Suno sa mga dokumento nga nakumpiska kay Labawan, siya kag ang iya mga tinawo ginhatagan sang 1003rd Bde sang mga ripleng Garand kag M14, mga radyo pangkomunikasyon kag iban pa nga kagamitan militar.

Isa ka iskward man sang mga manugpatay sang tawo ang ginahatagan pondo sang 1003rd Bde. Ginalakipan ini sang 14 ka berdugo nga Lumad nga ginpili mismo ni Labawan. Gin-isuhan man sila sang mga gamit-militar.

Gintukod man nanday Labawan ang Bagani Long Range Platoons, ang 168-katawo nga pwersang paramilitar nga natunga sa 12 platoon halin sa 12 sityo kag baryo sang Paquibato District.

Ang mga pwersa nga ini ang ginatawag nga “Alsa Lumad” o mga Lumad nga nagabato kuno sa BHB. Sila

gin-organisa kag ginapondohan sang AFP para batuan ang rebolusyon kag waskon ang paghiliusa sang mga Lumad para mas madali sila nga malupig sa atubang sang pagpanghalit sang mga higanteng agro-korporasyon sa mga duta sang katigulangan.

Sunud-sunod na nga mga paglapas sa tawhanong kinamatarung ang ginahimo sang mga pwersa ni Labawan. Ginmandu ni Labawan nga kada may mapatay nga sulda, CAFGU o myembro sang Alsa Lumad sa pakig-away sa BHB, ang mga sibilyan nga komunidad kon sa diin natabo ang inaway dapat magbayad sang danyos sa porma sang mga sapat sa panguma kag kwarta. Kon indi ini mahimo sang sibilyan, isa ka “pangayaw” ang igadeklara batuk sa ila. Sa mga “kampanyang edukasyon kag impormasyon” sini sa Paquibato ginasulsulan man sang 1003rd Brigade ang mga Lumad nga mag-alsa batuk sa BHB sa amo man nga rason.

Ang subong ang “pangayaw” ni Labawan gindeklarar niya pagkatapos mapatay sang Agosto 6 ang iya

utod kag badigard

nga si PFC Kimpio Labawan sang 103rd Division

Reconnaissance Company sang magbato ini sa mga

Pulang hangaway nga

naglambat sa ila sa isa ka tsek-

poynit sa Sityo Maragusan, Baryo Colasas, Paquibato District.

Ang “pangayaw”

ni Labawan ang rason sang pagkatay sang Agosto 12 sang mangu-nguma nga si Julius Tamondes. Si Tamondes ginpatay sa iya uma sa Colosas.


Luwas kay Tamondes, gintuyo man nga patyon sadtong adlaw nga ina ang isa pa ka mangunguma, si Angelino Gentorales pero siya nakapalagyo. Pagkatapos ini, nadaplisan man ang sibilyan nga si Dodo Cabatuan.

Bangud sa kahadlok nga gintuga sang nasambit nga “pangayaw,” naghalin na ang mga mangunguma pakadto sa sentro sang banwa. Luyag sang 1003rd Bde nga permanente na nga maghalin ang mga Lumad kag setler para matanyag nila ang mga nabayaan nga ulumhan sa mga plantasyon sang saging nga pada-yon nga nagapalapad sa madamo nga lugar sa Southern Mindanao.

Madugay na nga nagagamit ang AFP sang mga peke nga programa para tungaon ang mga Lumad kag ihamulag sila sa rebolusyonaryong hublag. Sadtong una nga bahin sang 2000, gintukod sang militar ang Alamara bilang kabahin sang kontra-rebolusyonaryong kampanya sini sa kubay sang mga Lumad.

Ginagamit sang militar ang mga natiplang sini nga Ata-Manobo kag Matigsalog para manghalit sa mga komunidad sang Paquibato District kag katambi nga mga lugar. May mga residente kag kaupod nga napatay tuga sang kinagamu.

Sa amo pa man, napunggan sang mga kaupod ang pagpaniplang sang AFP paagi sang pagpatuman sang kampanyang rekoberi kag edukasyon sa kubay sang mga Lumad. Naghiwat sang *tampuda* (tradisyunal nga kasugtanan nga pangkalinungan) sa kubay sang mga datu kag mga masang nagapamuno sang Alamara. Wala magdugay, nagbalik ang mainit nga relasyon sa tunga sang mga kaupod kag temporaryo nga natiplang kag nabulag sa kubay sang mga Lumad. **AB**



Mga detenido pulitikal, naglunsar sang *hunger strike*

DULULUNGAN nga naglunsar sang *hunger strike* ang 148 detenido pulitikal sa bilog nga pungsod sadtong Septyembre 17 para iduso ang ila gilaon nga paghilway sa administrasyon ni Benigno Aquino III nga nagsiling nga may pagrespeto kuno sa tawhanong kinamatarung.

Ang “Morong 43,” mga mamumugon sa ikaayong lawas nga ginadakup sa Morong, Rizal sadtong Pebrero, ang nanguna sa paghiwat sang ayuno sa National Capital Region kag sa iban pa nga mga bilanguan pareho sang New Bilibid Prison, Camp Crame, Camp Karingal, Correctional Institute for Women kag sa Camp Bagong Diwa sa

Bicutan; Isabela; Tuguegarao City; Ifugao; Bohol; Cebu City; Danao City; Bacolod City; Tacloban City; Leyte Provincial Jail; Compostela Valley; Bukidnon; kag Cagayan de Oro City. Kaangut sini, naghiwat sang isa ka misa si Bishop Deogracias Iniguez sa St. Peter the Apostle Parish sa Quezon City.

Ang protesta nga pag-ayuno

ginpartisipahan sang mga himata kag tagasuporta sang “Morong 43” nga nagtukod sang tolda sa Quezon Avenue sa atubang sang monumento ni Ninoy Aquino. Pila sa mga personalidad nga nag-upod diri amo sanday Sen. Loren Legarda, Commissioner Jose Mamauag sang Commission on Human Rights; anay Gabriela Rep. Liza Maza, Bayan Muna Rep. Teodoro “Teddy” Casino kag ACT Teachers Rep. Antonio Tinio. May seremonya man sa Canada kag nagpadala sang mga mensahe halin sa New Zealand kag Germany.

Chevron kag Shell, libre sa buwis

GINSAYSAY sang Commission on Audit (COA) nga masobra P53 bilyong buhis ang wala nabaton sang gubyrno halin sa kita sang mga pribadong opereytor sang Malampaya Gas Project sadtong 2003-2009. Ang Shell kag Chevron, duha ka myembro sang pangkalibutanon nga kartel sa petrolyo, ang ginatumod nga mga pribadong opereytor sang proyekto.

Suno sa kasugtanan sang gubyrno sa Shell kag Chevron, dapat magkadto sa gubyrno ang 60% sang kita sa pagbaligya sang natural nga gas. Luwas diri dapat magbayad pa gihapon ang mga pribadong opereytor sang Malampaya sang nagakadapat nga buhis sa 40% nga bahin nila sa kita.

Sang 2004 lang nagbayad ang Shell kag Chevron sang buhis halin sa 40% nga bahin nila sa kita halin sa proyekto, pero ginpauntat ini sang magpusisyon ang Department of Energy (DOE) nga ang buhis sang pribadong opereytor sa proyekto upod na sa 60% bahin sang gubyrno sa kita sa proyekto.

Sa pagrepaso sang COA sini lang nga Marso, ginpaathag sini nga lain pa ang 60% nga bahin sang gubyrno sa kita sang proyekto kag ang buhis sa ganansya sang mga pribadong opereytor halin sa 40% nga kabahin sa kita sang proyekto.

Ang Malampaya Gas Project nga nagabalor sang \$4.5 bilyon isa sa

pinakadaku nga proyekto sa pagmina sang mga duna nga manggad sang pungsod. Nagamina ini sang natural nga gas halin sa kadagatan sang Palawan nga ginaproseso sa isa ka planta sa Batangas bag-o ipanagtag sa tatlo ka istasyon nga nagatuga sang kuryente.

Madugay na nga ginapamatuksan sang pumuluyo ang proyekto. Nagahatag ini sa mga higanteng dumuluong nga kumpanya sang langis sang kahigayunan para makapangawat kag magkita sang superganansya sa duna nga manggad sang pungsod. Sa kahimtangan nga halos lubos nga nagasalig ang pungsod sa gina-import nga langis halin sa kartel sa petrolyo, daku nga bagay kon makatindog sa kaugalingon ang pungsod sa pagmina sang gas sa Malampaya kag sa mga pareho sini. Daku man tani ang mabuhin sa padayon nga nagataas nga sukot sa kuryente kon lubos nga ginapangispulan sang pungsod kag pumuluyo ang kita halin sa ginamina nga gas sa proyekto.

Pamatan-on, nagprotesta batuk sa pagtaas sang pasahe sa MRT-LRT

NAGPROTESTA ang mga katapu sang Anakbayan sa istasyon sang Metro Rail Transit (MRT) sang Septyembre 10 para pamatukan ang pagpataas sang pasahe sa MRT kag Light Rail Transit (LRT). Kaangut sini, nagpapirma sila sa mga pasahero para makatipon sang isa ka milyon nga pirma batuk sa pagtaas sang pasahe sa MRT-LRT.

Bangud sa aktibong pagbato sang mga estudyante sa natalana nga pagtaas sang pasahe, napilitan nga magpahayag ang administrasyong Aquino nga ginatun-an sini ang paghatag sang diskwento sa pasahe sa MRT kag LRT para sa mga estudyante.

Ang pagtaas sang pasahe nga ginahimo sang rehimeng Aquino para mauntat sini ang subsidyo para sa serbisyo sa tren. Ginarason sang rehimen ang pagsanto sang pondo sang banwa para kuno sa edukasyon kag pangabuhian para buhinan ang kagulutmon sang pumuluyo.

Liwat magalunsar sang hublag protesta sa Septyembre 24.

Gamay nga dugang sweldo, ginkundena

ISA ka programa sa atubang mismo sang Department of Labor and Employment sa Maynila ang ginlunsar sang Kilusang Mayo Uno sang Setyembre 8 para kundenahon ang pag-apruba ni Pres. Benigno Aquino III sa gamay nga dugang nga sweldo sang mga mamumugon sa lainlain nga rehiyon. Siling sang KMU, isa ka daku nga insulto sa mga mamumugon ang tuman ka gamay nga dugang sa ila tuman kaku-lang nga sweldo.

Ang mga gin-aprubahan nga dugang nga sweldo sa minimum nga adlawan nga sweldo P22 sa NCR, P15 sa Region VI, P18 sa Region VII, P12 COLA *integration* kag P13 sa Region X, P21 sa Region XI, P10 COLA *integration* kag P10 sa Region XIII kag P12 sa ARMM.

Nangin P404 ang minimum nga adlawan nga sweldo sa NCR, pero ang kinahanglanon para disente nga mabuhi ang isa ka kinaandan nga anum katawo kadaku nga pamilya nga sobra apat ka beses nga mas daku diri.

Iskandalo nga *jueteng*, liwat nga naglupok

BAG-O gid lang ginhambal ni Pres. Benigno Aquino III nga indi niya prayoridad ang pagtapna sa *jueteng*, ang iya gubyrno nga nagapakuno-kuno nga matinlo ginatay-og subong sang daku nga iskandalo sa pagkaulamid sang mataas nga upisyal sini sa nasambit nga iligal nga sugal.

Duha nga ginasaligan nga tinawo ni Aquino ang ginbuyagyag ni retirado nga Archbishop Oscar Cruz nga nagabaton kuno sang P2 milyon asta P5 milyon kada bulan halin sa mga "*jueteng lord*".

Isa diri si Usec. Rico Puno sang Department of the Interior and Local Government nga nagako nga madamo ang nagapalapit sa iya bahin sa *jueteng* pero wala kuno niya ini ginpahanugutan. Sa isa ka ginpagwa nga dokumento sang mga manubo nga upisyal sang PNP, nabulgar man ang bagong nombrar nga hepe sang Philippine National Police nga si Raul Bacalzo. Indi bag-o ang akusasyon kay Bacalzo. Sadtong 2005, madamo na ang nagtestigo nga naumid siya sa iligal nga sugal.

Ginsiling ni Aquino nga paimbestigahan niya ang mga kaso nga ini. Pero mas nangibabaw sa iya

ang gilayon nga pag-abswelto sa mga naumid nga upisyal. Makadulda kuno ang sirkumstansya sang pagbuyagyag sini. Gamay man lang kuno ang balor nga ginasambit.

Siling ni Archbishop Cruz, halin sa pinakamataas asta sa pinakanubo lumos sa pahamham halin sa *jueteng* ang pulisya sa bilog nga pungsod. Siling niya, handa siya nga hingadlan ang napulo nga iban pa nga upisyal sang gubyrnong Aquino sa bista sa Setyembre 21 nga hiwaton sang Senate Blue Ribbon Committee nga ginapamunuan ni Sen. Teofisto Guingona III. Iya man ginbaton ang pangagda ni Bayan Muna Rep. Teodoro Casiño, katapu sang Committee on Good Government and Public Accountability, nga magahiwa man sang bista bahin sa bag-ong iskandalo sa *jueteng*.

Masobra 2 milyon nga mamumugon, nagprotesta sa France

MASOBRA duha ka milyon nga mamumugon ang nagmartsa sa lainlain nga syudad sang France sadtong Setyembre 7 para pamatukan ang mga "reporma" sa pensyon nga tuyo ipatuman sang gubyrno ni President Nicolas Sarkozy. Ginpamunuan ang hublag protesta sang Confederation General du Travail (CGT o General Confederation of Labor), ang pinakadaku nga unyon sa France.


Naparalisa sang 24-oras nga welga ang 50% sang serbisyo sang tren sa bilog nga pungsod kag 25% sang mga byahe sang eroplano. Nagtuga man ini sang malaparan nga dislokasyon sa sistema sang ko-reo.

Ginapamatukan sang mga mamumugon ang plano sang gubyrno nga pataason sa 62 ka tuig sa minimum ang edad sa ila pagretiro.

Matig-a sa pusisyon nga ini ang gubyrno sang France kag nagpandam pa nga mahimo nga pataason sa 67 tuig ang edad sa pagretiro, pareho sang ginhimo sa Germany halin sa anay 65 ka tuig. Kadam-an sang pungsod sa Europe 65 na ang edad sa pagretiro kag ginaplano na sang Great Britain kag iban pang mga gubyrno sa Europe nga pataason na ini sa 67.

Ang nagligad nga welga ang pinakamalapad kag pinakamabaskog halin sang gin-umpisahan sang mga mamumugon sang Mayo ang ila pagpamatuk sa pagkinot sang gubyrno. Ginadebatihan pa sa parlamento ang proposal nga "reporma" sa pensyon.

Luwas sa welga sa France, naglunsar man sang mga hublag protesta ang obreros sa United Kingdom. Naparalisa ang 60% sang mga tren sa London tuga sang 24-oras nga welga sang mamumugon sang Setyembre 7. Ginaprotesta sang mga welgista ang plano sang gubyrno sang syudad nga sipaon ang 800 mamumugon para makakinot.

**ANG****Bayan****Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo**Edisyong Hiligaynon
Tuig XLI No. 18
Septiyembre 21, 2010
www.philippinerevolution.net*Editorial*

Pahulagon ang minilyon nga pumuluyo para isulong ang rebolusyon nga Pilipino!

Tuman ka paborable ang mga nagaluntad nga kundisyon para pukawon, organisahon kag pahulagon ang minilyon nga pumuluyong Pilipino sa dalan sang militanteng paghimakas kag rebolusyonaryong gera. Ang pagbun-ag sang lapnagon nga kahublagang masa sa bug-os nga pungsod ang yabing rekisito para sa labing pagsulong sang inaway banwa pakadto sa halintang sang estratehikong pagkapatas sa masunod nga lima ka tuig.

Padayon nga nagalala ang mga kundisyon pangkatingan sa idalom sang papet nga rehimeng Aquino. Tuman ang pag-antus kag pagkalisod sang pumuluyo sa atubang sang lapnagon nga disempleyo, tuman kanubo sang sweldo, grabe nga pagpamigos pyudal kag malapyudal, pagtaas sang mga presyo kag pamasaha, pabug-at nga mga buhis, lapnagon nga korapsyon, kakulangan sang mga serbisyo sosyal kag iban pa.


Sa kalala sang krisis, madasig nga nahublasan ang wala unod nga mga buladas sang rehimeng US-Aquino. Madali nga nadula ang pakuno-kuno nga magadala ini sang pagbag-o. Wala pa sang 100 adlaw sa pwesto si Aquino, lapnagon na ang pagkadiskuntento, upod ang bahin sang madamo nga sadto nagasuporta o nagalaum sa iya.

Ginapadayon lang sang rehimeng US-Aquino ang mga imperyalistang polisiya sa ekonomya (labi na ang dugang kag mas malaparan nga denasyunalisasyon kag pribatisasyon). Tampok ang kaso

sang Hacienda Luisita kag ang dalayon nga pagpahigad sang reporma sa duta. Nagtuhaw gilayon ang away sang mga paksyon, pagkainutil, korapsyon, kag sining ulihi, ang pagkaumid sang pila ka yabing upisyal sa *jueteng*. Padayon sini nga ginatugutan ang pagpasilabot sang mga dumuluong nga tropa sa pungsod. Padayon ang mga paglapas sa tawhanong kinamatarung, terorismo kag mabaskog nga saywar sa pagpalawig sang Oplan Bantay Laya kag paghimo sang bagong plano para tapnaon ang mga pagbato sang pumuluyo.

Dapat malaparan nga pukawon, organisahon kag pahulagon ang pumuluyo para mapangapinan kag maisulong ang ila interes sa atubang sang nagagrabe nga krisis sa idalom sang subong nga

garuk nga

***Mga tampok
sa isyu nga ini...*****Hagna nga badyet:
Tum-ok sa limos****PAHINA 3****Tatlo ka mangunguma,
ginpatay****PAHINA 5****Paltik nga pangayaw sa
Paquibato****PAHINA 7**

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com